

〔日本後紀桓武〕延暦廿三年四月辛未中納言從三位和朝臣家麻呂薨贈從二位大納言家麻呂贈正一位高野朝臣弟嗣之孫也其先百濟國人也爲人木訥無才學以帝外戚特被擢進蕃人入相府自此始焉可謂人位有餘天爵不足其雖居貴職逢故人者不嫌其賤握手相語見者感焉時年七十二

〔大日本史贊藪〕藤原良房及子孫傳贊

贊曰良房相業雖不多見而文德帝期以蕭何則規模微猷必有可觀者○略申而奕世昌熾一門不知其幾后外戚之盛實基于此矣仲平不禳星變而欲子姪之久職忠平能全交誼而反乃兄平時之所爲皆有長者之風焉

〔大鏡太政大臣實頼〕これたゞひらのおとゞの一男におはします小野宮のおとゞと申き御母寛平法皇多字の御むすめ○傾大臣位にて二十七年天下執行攝政關白し給ひて二十年ばかりやおはしけん○略申大かた何事にも有職に御心うるはしく御はします事はよのつねの人の本にぞひかれさせ給ふをのゝみやの南おもてには御もどりはなちていでさせ給ふ事なかりきそのゆゑはいなりのすぎのあらはにみゆれば明神御覽ずらんにいかでかなめげにてはいでんとの給はせていみじくつゝしませ給ふにおのづからおぼしわすれぬるをりは御袖をかづかせ給ひてぞおぞろきさわがせ給へるこのおとゞの御女○述ぞ女御にたゞせ給ひにき村上の御時にやたしかにおぼえ侍らず

〔續世繼紫のゆかり〕太政大臣雅實のおとゞと申しは中宮○白河のひとつ御はらからにて六條の右のおとゞ○源の太郎におはしき○顯房の太郎におはしき○略申こがのおぼきおとゞと申きいと御身のざえなどはおはせざりしかばよにおもくおもはれたる人にぞおはせしちくわがまゝなる御心にてひがくしきことも志たまひけるにもこのおとゞまゐり給ければとゞまりたまひけり白河院もはぢさせ給へりけるとこそきこえ侍りしか